

■ TRIBUNA POLITICA

# Oz è Son Niclà!

DA BARBARA JANOM STEINER,  
CUSSEGLIERA GUVERNATIVA

Quant bel esi da s'imaginar oz tgi che avess merità in pèr fridas cun la pertga u stuess schizunt vegnir mess en il satg u tgi che duai vegnir remunerà cun nuschs e cun mandarinas.

Las vischnancas grischunas po Son Niclà mo ludar per gronda part. Las autoritads communalas han manà lur vischnancas er l'onn che va uss a fin en moda prudenta ed han betg sco ultim gi quità da las finanzas. Ch'i dat in pèr «cas spezial» che han problems d'eleger lur autoritads a temp u ch'èn sa manevrads en turbulenzas finanzialas na duai betg turblar il maletg ch'è tut en tut positiv. Ultra da nuschs e da mandarinas duain els survegnir ina nova gulivaziun da finanzas sco regal. E gia vegn il dalletg disturbà in zic: La regenza ha dà en consultaziun ina varianta che preveseva da spustar ina chارجيا da circa 7,5 milliuns francs da las vischnancas al chantun. En la missiva è la regenza sa mussada pronta d'acceptar in ulteriur spustament da chارجيا en la medema dimensiun. La cumissiun prede-



liberanta ed il cussegl grond han adossà al chantun ulteriurs custs supplementars. Che la responsablidad per tut la fatschenta è vegnida stuschada da la vart mo or d'interess particulars n'è betg restà zuppà a l'egliada severa da Son Niclà, e perquai na dastgass el strusch targlinar d'incumbensar ses famegl da prender per mauns la pertga.

Sche Son Niclà sto duvrar la pertga u dastgadar ses regals en connex cun la realisaziun da la refurma dal territori n'ha el anc betg decidì per il mument. Perquai vegn el a perseguir attentivamain cun tensiun la debatta en la sessiun d'avrigl 2014 per savair tge valurs che las decisziuns ch'il cussegl grond ha prendì la sessiun da favrer 2011 han propi. La refurma da vischnancas è anc

adina in tema central en il Grischun. Plaschair ha Son Niclà perquai dals projects da fusiun e da las realisaziuns da las fusiuns ch'èn ina sfida speziala per las autoritads e per las administraziuns e che vegn per regla dumagnada exemplaricamain. Compliment! Nuschs e mandarinas merita er il comité d'iniziativa «Fermas vischnancas – in ferm chantun» ch'è laschà sa persvader che las finamiras da la refurma da vischnancas possian er vegnir realisadas da sut ensi (bottom-up) e che ha perquai retratg l'iniziativa.

Il bainstar da tut il Grischun avessan er d'avair davant eglas partidas politicas. Perquai sa giavischass bain er Son Niclà ch'il bainstar dal Grischun e che la vista generala sajan pli impurtants ch'ils interess da curta vista da las partidas. Il territori da muntogna sa vesa numnadamain confruntà cun grondas sfidas. Quellas pon mo vegnir dumagnadas cuminaivlamain. Il gust da pudair mussar cun il det sin auters, sch'i capitin sbagls, e la cultura da dar la culpa adina a l'auter è bain gia daditg passads en il Grischun, u betg? Uschiglio fissi cler tgi ch'il famegl avess da metter en ses satg.